

Ինֆորմացիայի Ազատության կենտրոն ՀԿ
նախագահ՝ Շուշան Դոյրոյանին
ք.Երևան, Բյուզանդի ¼, 4-րդ հարկ
Էլփոստ. foi@foi.am
+37491407836

Ի պատասխան Ձեր 2019 թվականի հուլիսի 10-ի հարցմանը՝ հայտնում եմ, որ ՀՀ քննչական կոմիտեի ՀԿԳ քննության գլխավոր վարչությունում 2018թ. հուլիսի 20-ին ՀՀ քրեական օրենսգրքի 282-րդ հոդվածի 1-ին մասով հարուցվել է քրեական գործ՝ «Լիդիան Արմենիա» ՓԲ ընկերության կողմից Ամուլսարի ոսկեբերքվարցիտների հանքավայրի շահագործման հետ կապված՝ շրջակա միջավայրի աղտոտման մասին տեղեկությունները ՀՀ բնապահպանության նախարարության պաշտոնատար անձանց կողմից դիտավորությամբ թաքցնելու առերևույթ դեպքի առթիվ:

Քրեական գործի շրջանակներում Ամուլսարի հանքավայրի շահագործման հետևանքով շրջակա միջավայրի, իսկ մասնավորապես՝ Ամուլսարի ջրային ավազանի, Սպանդարյան-Կեչուտ ջրատար հիդրոտեխնիկական կառույցի, Սևանաի լճի և Ջերմուկի հանքային ջրավազանի վրավնասակար ազդեցության ռիսկերը, դրանց կանխարգելման նուղված միջոցառումների հիմնավորվածությունը, ինչպես նաև ներկայացված՝ Շրջակա միջավայրի վրա ազդեցության գնահատման հաշվետվությունում արձանագրված հետազոտությունների հիմնավորվածությունը անկախ փորձագիտական գնահատմամբ պարզելու համար ՀՀ քննչական կոմիտեի կողմից 2018թ. նոյեմբերի 8-ին հայտարարվել է երկու փուլով միջազգային հավատարմագրված կազմակերպությունների նախաորակավորման ընթացակարգ և իրականացվել մրցույթ, որի արդյունքներով մրցութային հանձնաժողովի կողմից նախապատվությունը տրվել է միջազգային Earth link & Advanced Resources Development (ELARD) ընկերությանը: Վերջինս ներգրավվել է համալիր փորձաքննության իրականացմանը: Մրցույթի հայտարարությունը տեղադրվել է ՀՀ քննչական կոմիտեի պաշտոնական կայքէջում՝ <http://investigative.am/news/view/amulsar-porcagitakan-yntacakarg.html>

Քրեական գործով նշանակվել է էկոլոգիական, երկրաբանական, հիդրոլոգիական, երկրաֆիզիկական, քիմիական, շինարարատեխնիկական համալիր փորձաքննություն, որի կատարումը հանձնարարվել է Earth link & Advanced Resources Development (ELARD) ընկերության ներկայացրած փորձագետներին, վերջիններս քրեական գործով նշանակվել են փորձագետ: Փորձաքննության արդյունքներով ՀՀ քրեական դատավարության օրենսդրությամբ սահմանված կարգով վարույթն իրականացնող մարմնին տրամադրվելու է համալիր փորձաքննության եզրակացություն:

Ամուլսարի ոսկեբերքվարցիտային հանքի շահագործման եւ հետշահագործման ընթացքում շրջակա միջավայրի վրա վնասակար ազդեցության ռիսկերի գնահատման եւ

կարևորագույն այլ հարցերի պարզաբանման նպատակով նշանակված համալիր փորձաքննության կազմակերպման, դրա ընթացքի վերաբերյալ տեղեկատվությունը պարբերաբար հրապարակվել է ՀՀ ՔԿ պաշտոնական կայքում:

Հարկենք համարում նշել, որ Earth link & Advanced Resources Development (ELARD) ընկերությունը համալիր փորձաքննության իրականացմանը ներգրավվել է ՀՀ քննչական կոմիտեի ՀԿԳ քննության գլխավոր վարչությունում քննվող վերընշված քրեական գործի շրջանակներում, հետևաբար՝ դրա վերաբերյալ մանրամասներն ու տեղեկատվությունը համարվում են նախաքննության տվյալ եւ հրապարակման ենթակա չեն: Այնուհանդերձ սույն քրեական գործով նախաքննական գաղտնիք չհանդիսացող տեղեկատվությունը պարբերաբար հրապարակվում է ՀՀ ՔԿ պաշտոնական կայքում:

Համալիր փորձաքննության հետագա ընթացքի, արդյունքների և եզրակացության մասին հրապարակման ենթակա տեղեկատվությունը հետագայում ևս հրապարակվելու է ՀՀ ՔԿ պաշտոնական կայքում՝ հաշվի առնելով նախաքննության տվյալների գաղտնիության ռեժիմը:

Հարգանքով՝
Կոռուպցիոն, սեփականության ուղղված
հանցագործությունների և կիբեռհանցագործությունների
քննության վարչության պետ՝

Յու.Իվանյան

+37495749820